

歐

北

集

甌北集卷三十九

陽湖 趙翼 雲崧

丁巳正月芷堂自雲間來爲余補稱七十之觴

留別韻

痛舟迢遞欸柴扉爲補稱觴介古稀著述等身君亦老  
交遊滿眼我何依  
君將刻詩集漿鉞板謀將就  
久違安得後堂絲竹好相留宴衍醉忘歸  
孤矢懸門志

大箐中占藤

材不中棟梁性頗似葛藟旁抽纖條爪攬空中孕濃漿  
血凝紫高掛喬柯下拖地到地又躍樹頭起來不知何  
所始去不知何所止得非癡龍此遊戲不見首不見尾

但餘尻脊隱現簪林裏懸崖可作梯升雲橫澗便當橋  
跨水千夫併力一掣之牽動松杉幾百里

吳梅村所詠陳相國拙政園今爲蔣氏所有立崖  
梅厂置酒招同王述菴侍郎范蔚林秀才譙集

于野兄弟並侍焉詩以誌好

平泉遺墅好池臺地主今成蔣徑開小雨代驅游客去

杜牧詩清風來故人  
述菴先一日至蘇

清風恰送故人來

杜牧詩清風來故人  
述菴先一日至蘇

鬚眉交映松杉古

裾屐相從子弟才可惜梅村不相待每吟佳句一低徊

和蔣立崖虎邱用東坡韻之作

海湧一簣山小邱不成嶺祇以近都會烟火鬱萬井自  
從闔廬興魚勝劍光耿遂開銷金窩遊客沸蛙鼃盤陀

千人石趨若金在礦跡過竟孰傳風掃秋籜猛惟有肩  
山翁偶此健筆騁至今人競誦慕古尙淒哽乃知名士  
力千載等俄頃立崖澹蕩人才高性孤冷路貪近游便  
意追前賢永麗矚抒雅懷清吟攬佳景林亭寫成圖絕  
勝軌革影君倘來結廬吾當頻造請

題蔡義士永清柳陰閒坐圖

少游蓮幕裏晚憩柳陰邊辛讜危曾赴朱家俠可傳已  
敗豪士氣還結善人緣晏坐臨流處襟期一灑然

和立崖詩後檢杜少陵壯遊篇有東到姑蘇臺闌  
廬邱墓荒劍池石壁仄等句是子美先已遊此  
而今莫有稱者爰再次韵以諭立崖仰蘇樓畔

更築一懷杜閣以傳遺蹟可乎

遊山得勝覽不復歸峻嶺汲泉得甘味亦輒捨深井物  
情大抵然星替月光耿虎邱有坡詩獅吼噤萬龜名蹟  
遂獨擅和者句煉礦豈知少陵翁壯遊氣豪猛劍池閣  
廬墓先曾行脚騁今乃人莫知湮晦足悲哽君家吳趨  
坊負郭有二頃盍彷彿呂汲公草堂葺荒冷  
呂汲公鎮成都訪浣花溪遺址置築草堂  
地非浣花幽跡以誅茅永庶共仰蘇樓分占茲山景羅  
池誌廟文孟亭畫壁影故事倘可循私心竊有請

揚州寓齋椿樹一株高五丈許數百年物也夏日  
納涼了無暑氣作詩記之

檻外黧椿古繁陰五丈橫雨來無濕地夏至已秋聲借

蔭當張蓋驅炎省搭棚八千春最壽老愛此佳名  
靜中觀物理似爲便衰慵紅日將增暑綠陰亦漸濃因  
高多宿鳥無艷惹游蜂晚飯經行處盤桓當撫松

閱明史有感於流賊事

萑苻何意蔓難圖初起潢池本易俘賊不殺官猶畏法  
兵無戰將孰捐軀師行共指軒中鶴寇去方追幕上烏  
歷歷前朝陳迹在是誰專閫握軍符

百年安堵享昇平誰肯輕生肇亂萌死有餘辜貪吏害  
鋌而走險小人情彈丸黑子皆紛起繩伎紅娘亦橫行  
好片桑麻繁庶地烽烟千里廢春耕

累朝中葉有誅鋤天爲人多要汰除孫萬斬來塵滿野

劉千斤起血流渠瘡深諸老猶言癬篋後殘黎轉憶梳  
也是閭浮提一劫縱橫白骨莽郊墟

重到馬蹟山

不到夫椒久重來訪釣磯雨餘山色嫩草長岸痕肥紫  
燕教雛舞烏犍帶犢歸近游舒野眺殊勝掩荆扉

汪屏周宅喜晤畫士張玉川昔年同客文端師邸  
第者也二君今皆八十餘余亦七十一矣握手

道故欣感交集兼寄時齋副憲

四十年前踏軟塵春明邸舍記靈椿

即在椿  
樹衙前

那知晚歲無

同輩猶剩貧交幾故人白首朋簪聯近局青燈賓館憶  
平津不知東閣郎君貴可亦相關念昔因

時齋弱冠時  
常共談讌

子才以雙湖太守禁妓作詩解之戲題其後

登車紅袖滿啼痕詩老爲招已斷魂十四樓高功保障  
平康護法好沙門

八十衰翁已白紛惜花心在老逾殷哥舒半段槍無敵  
專救人間娘子軍

南部烟花手護持君房下筆妙言詞女閭援到齊桓例  
莫是貪他夜合資

巧爲蛾眉作主張一言感煞衆紅粧知君九十開筵日  
定有湘蘭百妓觴

多少妖姬又冶容家家虔炷瓣香濃青樓占得長生位  
也抵先儒祀瞽宗



渡江

又指瓜洲渡輕舟狎暮濤江山長不老名利兩空勞稍  
喜張帆穩寧誇擊楫豪前途有蘭若一訪遠公高  
謝安等  
鐵和尚  
老去要知止夜行殊未休已拋文字靈猶作子孫牛大  
夢誰先覺勞生敢自由漆園應暗笑夜壑苦藏舟

題嗇生徐州勘災散賑詩卷

勘遍災黎灑淚枯歸來詩卷帶泥塗萬家感泣解于路  
一幅流亡鄭俠圖死已隨波作魚鼈生猶栖水似鷗鳬  
可憐飢溺相關處一个儒官抱牘呼

題曾賓谷運使邢上題襟集

稊飲紅橋事久無使君重把雅輪扶詩聯陳起江湖集

何人張爲主客圖人本玉堂工授簡官閒鈴閣愛投壺  
劇憐我昔揚州住旅館清吟興太孤

治病

壯健殊無疾俄驚體不康刀圭纔下藥癰疥欲成瘡誰  
覓三年艾徒煩百沸湯及今猶可治急選國醫良

書感

從戎曾問日南琛中土何期起綠林敢幸退閒身不與  
自傷衰老力難任江湖憂國迂何補戰伐稽時禍恐深  
只有天心終厭亂會消妖霧豁重陰

麥秋大熟收穫纔畢大雨尺餘插秧遍野詩以誌

喜

萬戶歌呼喜不勝來牟收後雨連膺插秧功早晨炊黍  
打麥場忙夜點燈餅餌香聞行路客桔槔閒似退堂僧  
不知此地民何福兵火西南正沸騰

夏寒

正當驅暑候偏怯薄寒時夏日翻堪愛秋風似預支自  
因水氣盛枉負樹陰垂紈扇何須怨裘還六月披

懷塞外友人

五馬相隨似弟兄別來喜聽建牙尊豈期蜚語傳金穴  
竟掛彈章出玉門援廣難施修月斧譴深長戴望天盆  
可憐昨歲猶書到念我江南黃葉村

雨不止

客牕聽雨夜如年簷溜丁東斷復連絕似小兒啼不住  
終宵攪得老夫眠

方罫田塍漲白波甘霖翻恐沒新禾曾經乙巳年荒旱  
不敢嫌他雨過多

贈張友棠孝廉

我來揚州把談麈絳紗弟子殊僉僉就中最賞張思曼  
七言韻語尤清新君亦傾心自著錄康成門下稱傳薪  
講堂散後五六載每一相見情彌親嗚呼近時山長席  
鵝湖鹿洞非等倫鄉官聊作祠祿寄諸生藉補館穀貧  
此豈有意在學問毋怪別後同路塵君獨不以老耄舍  
自因知味其苦辛其思沉密學繁博功力更復老斲輪

組織能成錦五采鍛鍊不惜錘千鈞壘堅牆厚攻不破  
開壁一戰摧強鄰眼前突兀真畏友先導吾敢誇梁津  
識途馬已智無用掣韉鷹方氣未馴看君出應著作手  
詞壇旗鼓驚千人

野泊

扁舟晚泊傍村家露草浮光月未斜螢作火城蛙鼓吹  
野夫何處不榮華

訪張瘦銅家人無知者感賦

吳會坊邊巷路斜重來腹痛幾迴車孤魂不第方三拜  
才氣無雙溫八义尙有紵詞歌北里并難葛屐訪西華  
傷心三十年前事夜夜深談剪燭花

君昔在京  
嘗寓余邸

題沈既堂前輩載書移居圖

買宅何須百萬奢爲貪隙地好栽花移居大似村夫子  
滿載圖書殼鯨車

檢校資儲一番忙犬雞都點入行裝押綱不用鐵羅漢  
家具無多只縹緲

牙籤整妮上行勳卷帙真看欲汗牛比似米家書畫舫  
陸行水泛兩風流

奏賦蓬萊舊擅名宦成那復作書生祇應結習難忘處  
老戀青燈倍有情

八詠樓新葺綺寮又排書帙遣良宵只愁撐滿便便腹  
難作東陽瘦沈腰

題瓊花觀圖長卷

卷長三丈餘多唐  
宋以來名人題識

廣陵胭脂氣薰天惱得天花欲妬妍一朝飛來蕃釐觀  
要與色界爭新鮮三千殿脚萬驍果拚擲江山就花坐  
南朝枉自誇瓊枝艷殺羣芳無一朵風流賢守惜花心  
更榜無雙白石亭想見蒲城遊女集夜歸齊妬玉娉婷  
司花天女偏瞻小驚失瑤林一株好急遣巫陽下界尋  
收得香魂天未曉從此人間不復見附書難托風箏線  
花生花死一千年只當優曇纔一現我來訪古步庭堦  
但有丹青一幅遺免葵燕麥久荒寂樓臺猶仗虛名文  
月下珮環招不得卷中人可崔徽識挑燈題罷露臺寒

一樹冬青夜深黑

故址今有  
冬青一株

爲人題畫

上有喬柯下曲池涼颺微皺碧漣漪眼前此景非難得  
難得蕭閒晏坐時

讀王予中先生白田存稿敬書於後吾師汪文端  
公嘗出先生門古人以親受業者爲弟子弟子  
所轉授者爲門人余於先生淵源故有自也

去古日以遠道學世所鄙方厭老生談孰究先儒旨風  
會趨益下其病正坐此白田王先生學獨務根柢下帷  
窮六經插架辨諸史蘇湖初教授名高特薦起 鑾坡  
稽古業特賜翰林院編修鶴禁毓德美上書房行走疏廣賜金歸力更救

桑梓生膺蒲輪徵歿入瞽宗祀嗚呼洵完人邈矣前賢



孰嗟余生也晚汨沒詞章裏一朝讀公書不覺投五體  
在昔東坡翁怕見逢掖子或以鬼怪嗤或以麤糟詆獨  
於周濂溪弗敢一言毀造物乃其徒恨不奉杖履見蘇集濂溪詩  
是知真大儒折盡才華士我劣本無才敢以坡自擬惟  
此服膺心傾倒有相似韓門出陸莊况是小桃李雖未  
枕膝授豈遂傳衣止著錄稱門人例在通德里祇應飲  
思源遼瀕崑崙水

前和立崖虎邱詩勸築懷杜閣以配仰蘇樓蓋一  
時偶見及此未敢必有成也不一月立崖書來  
已與同志諸公擇花神廟旁地擬卽日營構可  
謂好事矣茲前韵以堅其約

偶然想爲山未敢必成嶺我倡懷杜閣覓水慮智井豈  
期同好多慕古心共耿選勝花神旁薙草辟鼃鼃不惜  
錢編埒寧待金取礦計日鑿鼓興趨事力何猛此邦士  
大夫洵多雅懷騁爲護鴻泥痕如祝鳩杖屨佇見凌虛  
構落成在俄頃茲山有蘇樓孤寄本婁令卜鄰得同調  
益張大名永千古爾詩翁同占名區景劒池明月夜往  
還有二影我當來守祠不待諸公請

立崖諸公方營杜閣東浦藩伯暨李松雲任曉村  
二太守聞之共誇盛事適虎邱有蔣氏園求售  
共捐俸千六百金買爲閣基任君并以虎邱本  
白香山守郡時築塘開路遂又祠白公於其中

懷賢好古皆名流韵事也書來促余往觀厥成

先慈韵奉寄

爲山得大力蟻垤忽成嶺諸公營杜閣規畫方井井事

已聞當路名宦有軒歌

明軒輓與賦九嘯齊名時時軒賦見明史輓傳

尙嫌所荒度福

灰類坎壈一擲二百萬買園割礪礦始嘆達官力迥勝

素士猛風流賢太守妙思更旁騁懷杜方慨懷思白又

淒哽遂彷彿澤田秋秣各半頃溪移浣花幽路闢香山

冷恰對仰蘇樓鼎足名並永因一乃得三古迹增新景

平池春雨痕喬柯夕陽影長作遊讌地客到酒可請

戲題任太守書後

虎邱山畔好亭池名迹將標杜拾遺要識官官相護處

買園先築白公祠

錦江未穩又烏鰲  
灤水旋拋屋數間  
生屢移家死依廡  
始終福命讓香山

蓄一獅貓毛甚長  
暑天不落戲書

火繖炎官潯暑催  
狸奴毛毳尙毵毵  
居然五月披裘者  
不枉教他守庫來

題洞庭尉程前川三百首梅花詩本

梅花性孤冷  
貴少不貴多  
籬落兩三枝  
自足供清哦  
豈知多更好  
彌野漫山阿  
羅浮數十村  
鄧尉千萬柯  
遂擅天下勝  
遊客紛肩摩  
咏梅詩亦然  
繁篇古未有  
老逋八章出  
已占名不朽  
何哉程前川  
乃至三百首  
別開生面

目不落舊窠曰妙想入非非消寒過九九元珠直遣象  
罔搜璞玉竟代卞和荆豈特長康畫三毫自是陳思才  
八斗人皆爲梅幸遇此知己友相得乃益彰壓倒衆芳  
藪我謂梅不幸遭此寫生手巡簷索笑日千迴攝魄追  
覓無處走色香神韵不畱餘後世更誰敢開口澤竭但  
供一時快和寡將冷千秋久由來詩人爭大名必矧奇  
觀世無偶叩門示我牛腰卷萬丈瑤光溢戶牖我吟一  
詩飲一杯竟滿李白三百灘醅酒

顧晴沙選梁溪詩成瘞其舊稿於惠山之麓立碑  
亭其上名曰詩塚爲賦七古一首

晴沙妙選梁溪詩二千餘年盡羅致一將功成萬骨枯

所餘殘稿將焉置既非青史蕉園焚敢托黃冊後湖閉  
錦軸慮掣桓元厨銀杯恐化公權翁同志有人出奇策  
文塚筆塚可援例遂傍龍山九隴長選得牛眠一弓闕  
或笑秦儒將被坑或疑李集欲投厠豈知琢石比櫟堅  
兼復立亭彷彿瘞遂使此邑千才人詩魂上天魄歸地  
雖悲一邱貉不分且喜千腋狐已萃昭陵匪殉修稷文  
汲邠簡藏編年記多少精靈聚一團行看蒸出菌芝瑞  
清芬自少荆棘生酸氣并令螻蟻避宿草滋含文露濃  
野花開帶心香膩嗚呼才人苦愛名慮到陵谷變遷異  
元凱碑付江波沉思肖函從井底墜猛將甘作沙場塵  
酒人願化陶家器此舉正合古遺法不怕竊鉤出非意

發邱郎識無金銀掘墳賊豈要文字况諸作者非並時  
前不預知後徒企賴君作合結同龕不隔去來今三世  
有如周秦紀行篇蛾眉一堂集佳麗又如幽燕憫忠寺  
馬鬣一坎聚烈義故鬼新鬼紛並肩舊雨今雨欣把臂  
月下定有秋墳唱歲除不煩詩草祭九原詞客果有知  
此亦吟朋大快事我來經過一憑弔欲喚何人莽無次  
但覺蒼蒼宰木邊常有光芒透山翠

爲錢梅溪題其尊人養竹山房圖

種樹十年計不如覓檀栽檀又不如竹本具千霄材此  
豈待人力養之從根莖山房有高士乃復勤澁培芟柞  
茨棘叢畚除瓦礫堆生意益以足出地奮蟄雷佇看旬

日開直上青雲開默隨風輪長

坡詩風輪晚長春夢節

不煩羯鼓催遂

成青琅玕森森不凡才釣竿拂珊瑚管鳴鈞臺畫簫  
絢五色魚須摺三台始知直養功迥勝手植槐

### 哭偉兒

二十年無一哭聲此生應免起哀情誰知時命無終泰  
臨老西河欲喪明

未必興家且保家少年早自戒豪奢烏衣門巷牛衣志  
不闌人間金犢車

猶記生時有吉徵異香滿室兆榮名

兒生於鍾安官舍時異香滿室

誰知兆

也無憑準只得頭銜廩膳生

拮据參苓恐不供但愁病劇敢愁窮一年心力枯何補



囊到空時命亦終

身病堪醫心病難生來心性慣憂煎可憐半月前孤枕

將要長眠轉不眠

臨歿前半月  
通夕不眠

就醫吳苑半年淹勢急歸舟夏正炎氣力自知支不得

時時問過幾郵籤

吳門就醫半年到  
家僅六時即歸續

時到彌留倍可傷不呼妻子只爹娘五更續息微將絕

忍死催移到我床

到家臥其房不安連  
呼移就余床而歿

痛定追思痛更深自知不起病加沉恐傷乃父心難割

淚欲流時輒掩衾

兩孫卅角尙兒嬉他未知悲我更悲七十衰翁頭白盡

豈能撫到長成時

彷彿幽魂尙式憑微風入戶閃孤燈定知汝不離吾側  
只是千迴喚不膺

入棺猶是舊容姿從此真無再見期一語九原聊寄慰  
我來應亦不多時

七夕爲偉兒三七之期

三七剛逢七夕期當年瓜果具盤匱而今忍說雙星渡  
正是孤嫠飲泣時

追悼補山使相

萑苻纔起將星亡丹旄飄飄出蜀疆嗣祖焉知非是福  
李流今已漸爭強九原氣作山河壯五等勲封帶礪長

恩封  
伯爵

贏得口碑遺論在公存不至賊披猖

石稜眼焰戟鋒鬚節鉞威名懾萬夫

帝謂魏徵偏嫵媚人知呂相不糊塗開邊倖亦書生膽  
按部聲先墨吏誅今日平心論人物封疆籌略似公無  
聞秋帆制府墜馬得風疾寄慰

烽烟楚蜀正橫戈失足驚傳馬注坡戎幕共推更事久  
軍麾終仗發蹤多鄭畋風痺猶傳檄宗澤彌留要渡河  
得與古人同力疾半人不啻萬人過

再哭偉兒

緼錢焚與作冥資知到閻羅第幾司汝去決非爲賤鬼  
我來翻幸有親兒生前小膽多驚恐死後孤魂孰護持  
思于臺空聊假寐夜深或有夢來時

聞秦蜀兵夾勦流賊奏捷喜賦

軍報傳來野老家喜聞奏捷出褒斜固知賊尙非張角  
從此軍應獲呂嘉腹背夾攻窮穴鼠尾頭雙捲運常蛇  
由來討逆須威克持重徒延歲月賒

屈指軍興歲一巡寇氛流毒遍村鄰醉人味似糟豬肉  
殤鬼冤爲野馬塵復矢幾家招故壘亂骸何處認前身  
而今絕似償冤報賊寨啾啾哭碧燐

答子才見寄之作

仙有鸞輪佛有航書生失計落詞場死生於世何輕重  
詩卷憑人說短長曾未上書青鎖闥也無殺賊綠沉槍  
如何結習猶癡甚徒詫文章萬丈光

顧晴沙輓詩

同向江天把釣竿，扁舟來往最交歡。曾爲才子先登第，要作高人早去官。遺愛尙留秦蜀道，吟情欲闢杜韓壇。

君詩另成一家

那堪纔寄詩筒去，不及燈前一拆看。

詩原篇輓付夜航船寄去是日卽聞君訃

省署簪毫出建牙，我歸君亦卽還家。

君歸田後我一年

居鄉月旦

持清議奉母晨昏，誦白華藻思捷如驚。蛺蝶草書工過

壓蝦蟆，誰知手選梁溪集。自殷羣賢押後車。

君選梁溪詩集甫刻成

湖海

湖海生平氣，徒悲兩鬢皤。作詩新意少，入夢死人多。薄俗羶螻蟻，虛名疥駱駝。何當一藤杖，空谷老烟蘿。

讀杜詩

杜詩久循誦今始識神功不創前未有焉傳後無窮一  
生爲客恨萬古出羣雄吾老方津逮何由羿轂中

用少陵壯遊篇韻寄題懷杜閣兼呈東浦藩伯松

雲曉村兩太守暨立崖明府

曠世有相感千古惟名場杜陵天人姿才思軼班揚一  
生遇坎塲枳棘棲鸞鳳乃其驚人句塞破萬錦囊至今  
咳唾餘猶足潤枯腸所以名不朽高欲摩穹蒼後人仰  
遺躅肯使墮渺茫成都背郭宅任城泛池航至今尙護  
惜歷劫窮滄桑茲山公所咏闔廬邱墓荒聖是知一兩  
屐曾踏山花香乃讓東坡詩獨占七里塘自因題壁句  
風雨湮淋浪我來偶披檢潛采耀喬皇好古有同志

崖立

起購豫章寄懷擬築閣旻霄凌蒼涼常路聞此舉快  
石獲舊忘別買蔣詡徑來爲鄭公鄉淥水舊名園老桂  
森出牆迴勝浣花溪當年只草堂旣振墜緒冷饌俱遊  
興狂名更塔影舊地怡海湧旁遂使千人石突過萬仞  
岡我思公生平綴羽飛鸞鶴身悲空囊瀝命托長鑱強  
西枝村選僻東柯谷向陽蜀郊任稍久費索錄事王尋  
復客梓閬依人乞餘光嘉陵未暖席渝水旋寒雲灑西  
賃草屋風捲不得藏力耕仗獠奴勞以酒一觴晚落潭  
衡間牛酒遽召殃統計所歷處無非謀稻粱正因饑餓  
極翻以醉飽亡壯遊惟此地年少逸興長想當登眺時  
佳麗快遠望劔池寒流碧石壁返照黃跌蕩風月窩吟

嘯花柳行故應覓魄戀驂鸞騎白狼默令晦迹顯丹蘄  
煥棟梁名流愛勝地旣死猶膏肓顧非扶輪手誰爲力  
表揚舉廢冷灰火輟俸剝肉瘡傑構屹百尺坡亦在下  
牀古迹有雙清大名無兩傷氣已壓短簿景堪畫長康  
從此虎邱勝流播益未央繫余拾級上矯首凌八方緬  
懷昔賢踪憑弔心激昂復嘆鉅公力締造傳遺芳雲磴  
聳峯棹風潭淙滄浪彷彿何氏園石林暑有霜深壑透  
宛委浮嵐接良常懸知公精靈乘雲翺來翔

夢中

月影橫牕夜向闌峭涼新入覺衾單夢中新鬼逢多少  
偏是亡兒一面難



秋帆制府挽詞

初聞末疾困炎陬誰料騎箕碧落遊  
羊祜惠猶畱峴首馬援功未竟壺頭  
風淒冽帳悲笳曲月冷籌邊古驛樓  
太息荆巫尙烽火益無人可倚軍謀

兩湖節制擁高牙俄值兵氛亂似麻  
劫火炎岡無玉石殺機起陸有龍蛇  
蠻箋夜草招降檄里鼓晨催轉餉車  
辛苦頻年戎馬地故應鬢髩總霜華

封疆歟歷廿餘年重是初階出木天  
死定仍爲香案吏生曾獨領玉堂仙  
其推雅量休休大不藉威名赫赫傳  
此後孤寒更誰倚龍門回首總悽然

踪跡雖疎意自親江湖每荷寄書頻  
虛煩爲我高懸榻

不及從公醉吐茵南國烽烟悲遠道東山絲竹渺前塵  
不堪重過靈巖館剩有半曇淚滿巾

去春遊公靈巖別墅

用白傳虎邱寺路韻題白公祠

虎阜東西寺詩仙載酒頻

時人稱公爲詩仙見舊唐書本傳

至今遊賞處又

有表彰人地較匡廬麗園更蔣徑新名流護名蹟應與  
共千春

杜蘇鐙脚峙靈爽往來頻恰比三游洞何須九老人山  
川今視昔亭館舊翻新懷古情何限年年此地春

滄來刺史自婁東來攝守吾常婁民送者滿道繪

圖以記爲題四絕句

移守裝輕一鶴琴送行人滿召棠陰暫時小別猶攀戀

知是居官惠愛深

循聲久已播南蘭竹馬爭來擁路歡送者要遲迎要速  
教君去住兩俱難

常州太守例詩人恰替誠齋作後身

楊誠齋曾守常州

爲語婁民

莫相妒畫溪惠水要吟春

截鐙攀轅古所聞而今也作弁髦論好官終屬名臣後

君是襄勤一品孫

君曾祖襄勤公康熙帝名臣

公相阿文成公挽詩

黃髮番番映殿堦秋風俄報飾巾期望兼勲德裴中立  
身繫安危郭子儀百戰功名圖像早

九重恩禮乞骸遲老成夙謝何勝感不但羊曇哭故知

汗馬歸來錫命榮  
爵頒圭組位鈞衡  
周官已極三公貴  
魯論猶餘半部精  
行酒從容人避席  
聽歌慷慨客彈箏  
生平論相推姚宋  
不敢輕言秉國成

烽火無端楚蜀疆  
其期元老奮鷹揚  
年高不復臨軍旅  
身在猶能重廟堂  
華袞易名公論定  
豐碑賜葬國恩長  
祇應一事還留憾  
未見荆巫靖陸梁

曳履星辰地最尊  
敢將疎賤說交親  
曾經戎馬同甘苦  
頻向江湖念隱淪  
每見余族孫味辛中翰必問余近狀  
相業已歸青史傳  
軍諮今亦白頭人  
此生無復西州過  
遙憶平津淚滿巾

題鄒蓮浦小照

林霏澹無痕  
深樹皺衆綠  
超然靜者心  
小憩寄幽腸  
一

童抱琴來松風正謾謾

子才昔年預索輓詩竟無恙今以腹疾就醫揚州

又索生輓戲再作以遲其行

昔年索輓却仍留予爲先生賦遠遊生有自來從萬里

言前生點蒼山老猿

死無遺恨占千秋門前贊并收粧閣

晚年多女弟子

海內

詩皆入選樓

將合傳話

只恐替人難覓得驪駒歌罷又停騶

不早休官也列卿超然湖海結鷗盟烟花子盡人清福

詩卷遙收世大名不古不今成一則非仙非佛自孤行

未須便辦迎笙鶴天尙留君賦鹿鳴

明弘治年科鄉試君重辟鳳陽府

荆襄

生得千山作賊窠不知天意竟如何因糧掠地行常飽

隨路驅人聚益多豈有川原分李特已聞將帥凡廉頗  
江天野老頻凝望早晚鐃簫奏凱歌

正享重熙愷澤流太平如此爾何求朝廷豈有人藍面  
史冊從無賊白頭萬木秋風猶唳鶴蒲山夜火正椎牛  
也知草竊終何用已是瘡痍數十州

軍郵頻歲羽書飛殺氣蒼茫黯夕霏有福師臣先賊死  
無功幕客得官歸承平士女驚金鼓辛苦兵徒臥鐵衣  
誰慰

至尊年大蓋焦勞問夜到晨暉

笳鼓爭征重將壇已調勁旅赴師干得人死力非威劫  
殺賊先聲要命拚抵掌談兵誰不易設身處地始知難

卻慚壯歲從戎慣今日徒成袖手觀

鈔關門放舟至高旻寺訪鑑公練塘

尋僧聞喚槩牙開正值秋成稻滿堆近路仍遙緣岸曲  
順流忽逆爲潮來疎林霜薄纔黃葉淺渚沙明少綠苔  
一笑到門剛過午開黎鐘已放齋司

題崔景高積書圖

貽子黃金齋不如教一經斯特古語耳移步漸換形斯  
文積輕後卷帙亦不靈殘稿覆醬醃故紙糊牕牖胡爲  
君癖好籤軸購清廳宛委搜逸典良常訪新銘多邇鄴  
架蓄秘入曹倉肩揚州繁盛地氣溢錢刀腥君獨以此  
勝似欲別渭涇那知非豪舉家有四寧馨大者擅才思

快若新發硎小亦目十行背誦翻水瓶生兒有如此忍  
不豐其翎縹紉厚所儲學海恣揚舲會看學成後稽古  
榮大廷虎觀奪重席鯨鏗應寸莛始知積書力猗頓去  
逕庭翁未雙垂白兒已萬選青

又題景高小照

獨向林霏靜處行午風涼透袷衣輕笑君愛寂翻喧甚  
上有松聲下水聲

題程晴巖小照

人似芙蓉出水初清標應在玉堂居畫師錯會長康意  
邱壑移來置幼輿

中秋後曉村太守招遊懷杜閣閣在左偏已塑少



陵像中爲白公祠設香山栗主右別有樓遂并  
移東坡像於此仍榜爲仰蘇總名曰三賢祠虎  
印從此更增一勝地矣再疊前韻題蘇樓下

人隔唐宋朝地分秦蜀嶺誰能聚諸賢晤對其廬并作

合有妙手術過先生耿

南唐有耿先生能攝人  
入山見陸游南唐書

因杜兼及白營

築力已黽并移仰蘇樓粉績飾荒礦幾同縮地幻直過  
移山猛想見三詩竟結伴共馳騁出有同游樂居無獨  
吟哽坡也雖後輩才思潮萬頃恰稱三雅聯豈同孤鴈  
冷相得乃益彰彌擅千秋永獨悲公去後幾閱滄桑景  
至今少替人空矗高樓影一廬倘可分所願不敢請

三賢祠在塘北舟行從斟酌橋入可直到門然橋

低不能過大舟也曉村語余今年六月十日祠  
將落城忽風雨大作雷擊橋碎遂可改造大橋  
以通官舫謂非三賢之靈欲昌其遺蹟乎補記  
以詩

高閣翔鸞峻平橋彩鷁妨一聲劈雷斧百尺起虹梁自  
是神開路從堪客泛航名區護靈蹟佳話蒲山塘  
傳世惟詩卷詞人力幾多那知千載後尙有百靈呵石  
碎如丹粉橋開壯綠波由來霹靂舌詩筆本難磨

再題懷杜閣

杜公遊跡久成塵偶檢遺篇指昔因聊欲覘碑吟過客  
敢爲左傳作功臣騷壇喜試凌虛步幕府能扶大雅輪

從此虎邱增故事山塘兼占浣花春

題查惕存檢書圖

崔家圖積書君家圖檢書得書必頻檢方不飽蠹魚汲  
綆詎嫌數搬薑莫厭劬顧非書癖深誰肯此剔梳所慮  
近代來卷帙日填委一部十七史從何處檢起況有諾  
皋怪更復壓瓠俚萬籤收不盡五車載不止重且汙百  
牛訛又渡三豕欲檢下手難烟海浩無涘不如還守約  
巾箱有妙旨兔園冊一編就我村夫子

題張敬業小照

砥室疎櫺俯碧流峭涼天氣尙科頭簪簪千个荷千柄  
認是君家高詠樓

書法爭推腕力強新鐫名帖戲鴻堂閒來洗墨池邊坐  
何不濡毫寫硬黃

隔斷紅塵似澗阿竹梧亭館綠陰多一椽欲彷彿園例

借作堯夫安樂窩

君家務園屋借蔣春農  
袁子才作爲戲云爾

寄題法梧門祭酒詩龕圖

君家  
古人

杜詩萬里行歐詩三上成作詩必以龕母乃拘心旌豈  
知渺衆慮端在嚴關局或仰屋梁臥或觸醋甕傾屏除  
萬籟靜獵微窮至精詩龕之築無多楹虛白一室涵空  
明曾無四圍皂羅幃但有五夜鐵燈檠想當晏坐吟興  
發風簾不捲爐烟輕眼光直洞重垣透思路迥裊層霄  
清一龕廣不過十笏已逾五百由旬程信哉人地兩超

絕毋怪詩律堅長城聞公家世本沙漠契苾勲門埒褒  
鄂卽今西南戰伐殷何不奮戈就戎幕乃耽手筆造鳳  
樓遂忘弓刀畫麟閣緣知風雅味獨深嗜好與世酸醎  
各君不見雲石小游牙橫絕酸齏作鴈門薩都刺亦壓  
蘇天爵公才十倍此數人已爆高名動寥廓惟有湛然  
居士集邪世文  
正公經濟文章胸可拓好當彌勒結同龕一瓣  
心香寄所托

題佩香畫桃花小幅

一般穠艷笑春風才女描來便不同好當椎棹寫真卷  
案頭常對一枝紅

再哭偉兒

卒哭踰時序又更一言寄汝莫傷情老懷尙藉觀書遣  
不忍因兒便喪明

朱查二老大名垂都有生前哭子詩

見曝書亭及  
數案集

嘆我才無

古人半也教折福到佳兒

閱邸抄賊至利川邑令尹英圖約鄰邑周景福糾

集鄉勇截殺數千大獲全勝喜賦

邸報傳來信已真利川江上破黃巾能糾義旅同殲賊  
自是清官素得民白挺不須矛戟銳丹楓都變幟旗新  
早聞

聖主酬功速遷秩蠲租與命申

縣令皆補郡守  
邑民蠲租三年

衝鋒破陣總鄉農拋却鋤犁學挽弓皮靴翎笠稱練士

毛葫蘆轉遣臨戎勒成都伍如軍令戰死沙場亦鬼雄  
都是國家培養出同讐敵愾到兒童

經年羽檄促征驂只望雄師虎穴探絕塞徵兵挑甲率  
深山轉餉挽丁男朝家錢幣糜千萬幕府金貂賜再  
三今日戰功堪載筆翻輸吏健土軍慙

芸浦中丞移節閩疆不數月復奉命來撫江南吳

民歡聲載道爰紀以詩卽贈

絳節移閩暫駐驂吳儂翹首正依依重來天果從人願  
小別公如作客歸民慶二備長有托吏遵六計未全違  
福星合在江南照那許他邦久借輝

來往郵籤兩月期故園頻喜駐旌麾似償少日題橋柱

惜未炎天啖荔支

仲秋到閩孟冬即調任

三節還鄉豪傑事一年借寇

吏民思向隅獨有閩人嘆不得畱公見設施

仙霞高嶺劍州灘回首今辭行路難人指江南爲福地

帝知吳下憶清官兵氛路遠民安堵稽事年豐戶飽餐

早識隨輪膏澤到下車時正雪花團

自七月不雨公到任日乃大雪五寸

### 題汪韓懷比部松溪漁唱圖

松桂陰森飽雪霜世家喬木歷年長誰知蠶尾題詩後

又續芸編四代香

君高祖有箕山園主院亭題詩見蘇軾集

故鄉亭墅帶清流老去情懷憶釣遊計日支筇上高閣  
晴牕閒看弄漁舟

### 題謝薌泉侍御自焦山放舟金山觀月圖



焦廬探勝躡青屨吟到黃昏月一彎何事借庵庵不借

聽君放櫂向金山

焦山詩僧巨超號借庵

吹海爲天句獨雄緣知心境兩清空江神也助君豪興

不敢掀他斷渡風

君詩高浪入雲飛作雨吟風吹海化爲天句最雄傑

金焦久占老坡名却欠舉舟泛月明從此澄江淨如練

詩家爭唱謝宣城

千秋此月此江天獨被先生攬勝緣笑我頻年往來慣

不曾敢放夜遊船

### 題周竹樵國博抱琴聽泉圖

幽尋一徑入林深閒喚髭童帶素琴不用更彈流水調  
泠泠水樂有清音

此泉猶是在山時流出人間幾路岐今日故林重聽取  
成連應倍覺情移

題程湛之漁樵雙照

問蒼漁樵兩幻軀宛如論易邵堯夫何當倚杖從旁聽  
參透先天太極圖

已似高僧入定時一身化兩自神奇笑他船尾漁娘好  
枉把摩羅咒力施

素食招夢樓佩香小集寓齋

客中破寂賴吟朋小治伊蒲饌尙能雅集不妨粧閣女  
枯禪俱已在家僧座無何肉清如水室有唐花暖未冰  
便抵吳門蔡經宅麻姑親降寵難勝

不是持齋學太常  
劉輿厭恐污清芳  
得邀霞帔來仙界  
敢溷天花散道場  
春茗烹當重醞酒  
臘梅開作辟寒香  
畱賓莫笑無暈血  
此亦詩家白戰方

揚州遇陸朗夫中丞子文嗣感賦

士龍子弟見無因  
忽遇饑驅邗水濱  
廉吏可爲兒作客

故人已死鬼成神

湖南人傳公爲金甌城隍神贊之謝蘇泉侍郎亦云

西華冬服猶披葛

南國春祠共薦蘋  
問道靈旗移故土  
貽麻倘救後人貧

蘇州人傳公調江  
南城隍王夢樓云

題陳樹齋軍門辦禪圖小照

辦香妙諦証祇園  
誰識官階一品尊  
富貴散場如夢境  
英雄歸路是禪門  
偶攀蕉葉聊趺坐  
不染蓮花本淨根

蘭錡家聲有賢子何妨持偈隱江村

題周松靄杜詩雙聲疊韻譜括略

詩以詠我言本從聲韻出中有條縷分古疎後漸密隱  
侯辨仄平孫炎著反切關鍵一以開千載莫能易雙聲  
與疊韻六朝始梳櫛礪磬音響連腥瘦字母壹北有魏  
伯起南有謝希逸端敬系韻見南史謝非傳  
腥瘦雙聲見北史魏收傳此法皆講求秘矜  
專門術杜陵益精嚴對屬百不失侵簪月影寒遍履江

光徹

杜詩侵聲疊韻通履  
雙聲見雲溪友議

老去詩律細此亦細之一倘其可不

拘何以名爲律無何讀杜者過眼付一瞥但誇奔絕塵  
不屑駕循轍海昌有周子遙契得真訣手著括略編韻  
學乃盡泄從來文字緣每隨氣運關古人挾其大後人

別其窄非必後所增都自鑿空獲卽如近體詩古人所  
未識抑揚抗墜間妙有自然節古人縱復生不能變此  
格是知本天籟豈鑽牛角僻茲諧雖小道源出脣齒舌  
詎畫混沌眉乃導崑崙脈反語田顛童測字杭兀木矯  
揉尙稱奇矧此諧傲繹允作杜功臣藝苑更繩尺音籤  
韻府外另鑒一幟亦

聞賊入蜀將軍明公統索倫吉林兵追及擊殺萬  
餘自此逆黨震懾戢功常有日矣喜賦

荆襄漸覺少兵塵都入蠶叢作亂民豈有井蛙成白帝  
尙煩鐵馬渡青神健兒氣力三韓種宿將威名百戰身  
至竟戎行須素練廿年功早震峨岷

寶兒邪教起經年處處蜂屯燭白蓮草竊若非塗地收  
蔓延將更越疆連醜徒今作纍纍狗老將仍追跼跼  
漏刃縱餘遺孽在也應豢伏散如烟

當陽被後賊謀更只掠村莊不據城

賊掠當陽城為長民  
圍殺他賊專事野掠

此輩

豈曾逢大敵向來過看作強兵臨淮令到旌旗變焦縱  
亡來壁壘平殺者十三逃十七一盤棋漸可收枰

朔風獵獵颭牙旗況有追風萬騎馳兵不留行民少警  
野無所掠賊將饑赤眉何地潛林莽白骨無名滿路岐  
老聽捷音尤竊幸及身得見蕩平時

### 袁子才輓詩

索輓連番竟不行此番真是送登程死應仍去爲猿嘯

生不留看賦鹿鳴花月千場供老福詩文一代享高名  
只愁未免風流罪欲爲緇經度化城

三家旗鼓各相當十載何堪兩告亡

謂君與蔣心餘

今日倚樓唯

我在他時傳世究誰長本非邢尹生相妬縱到彭聃死  
亦殤衰朽只悲同調盡獨搔白首覽蒼茫

王西莊光祿輓詩

歲在龍蛇識可驚儒林果失鄭康成宦情淡有千秋業

文望高於一甲名

公甲戌榜眼

白首叢編成又改青燈老眼瞽

重明

雙替殺再明

從今學海誰津導我哭先生爲後生

束髮攻書到老翁未曾一日輟研窮遍搜漢宋遺文碎

公最精鄭學

不鬪虞初小說工後輩豈知真學問幾時再有此

淹通存亡莫道無關係直在蒼茫氣數中

風趣長康半點癡牙籌不諱手親持出門誤認儀同宅  
築室遙催錄事貲皇甫三都求作序李邕四裔乞書碑  
卽論致富惟文字前輩高風亦可思

年來孫補山畢秋帆兩制府阿雲巖相公相繼下  
世林下則顧晴沙袁子才王西莊又物故生平  
交舊一時俱盡淒然感懷

老來不復作詩新偶作詩惟哭故人哭盡故人無可哭  
孑然顧影自傷神

武緯文經將相功儒林文苑亦宗工此皆數十年成就  
何意淪亡一歲中



戲贈蔣瑩溪納婚

風情臨老尙兒嬉  
買得嬋娟髻已絲  
猶勝詩人張子野  
行年八十娶雛姬

曾是瑤臺第一仙  
舞衫歌扇最翩翩  
可應一念回頭岸  
甘與維摩結淨緣

鷁舫魚軒送到家  
臘前春早綻梅花  
竹籬茅舍清寒甚  
要奉仙人萼綠華

花燭先期半月忙  
口脂面藥扮新郎  
背人自把菱花照  
小試蘇家拔白方

遣得楊枝太寂寥  
知君愛聽戰塵囂  
河東獅已無聲吼  
又覓臙脂虎橫挑

風景方將裂老顛  
惜筵平視竟無緣  
麻姑烏爪何曾想  
枉被方平一頓鞭

今兒立巷不許見客故云

### 除夕

年年除夕醉深卮  
今歲屠酥但酒悲  
思子臺邊何限淚

一兒死別一生離

時彥兒以考館入都

甌北集卷四十五

陽湖 趙翼 雲松

戊午元旦

古稀過又兩年期望 闕朝衫歲一披世事漸如雞肋  
味詩情猶剩虎頭癡流年老幸春還到晚運衰非力可  
支悲喜筋骸粗健在東南山水擬探奇

蔣母陳太恭人七十壽詩

記得西池有使星夫人名以上元稱欲知壽母通仙籍  
設悅剛臨不夜燈

淑德能持福渾圓閨門禮法世爭傳烏衣門第牛衣話  
便抵班昭誡七篇

綵戲盈庭壽燕開重聞樂事笑銜杯人間此福談何易  
都是慈暉長養來

壽護堂上燦雲霞怡報瑤籌海屋加共說麗韶春正永  
綺牕纔綻早梅花

春仲出行

嫩黃新柳未成陰幾日春風綠滿林絕似元纁二入後  
一番加染一番深

自是東風引綺羅撩人春色不須多一枝紅杏出牆見  
便有少年携酒過

至蘇州寓懷杜閣後樓卽事

偶指名賢故跡湮祠成館我亦前因敢援彌勒同龔例

縛帚聊爲灑掃人

夔府成都各草堂何曾佳麗比山塘故應覽遍人間世  
千載竟猶戀此鄉

斟酌橋通畫舫游都來塘北泛明流冶坊浜裏將寥落  
漸少人登舊酒樓

道學難參花月場况兼蜀洛久參商如何廟祀程夫子

只與東坡隔一牆

北邙有二程夫子祠

碧桃花映水微波曉起園丁掃綠莎小雨乍晴風漸暖  
今朝遊客必然多

古跡翻新似雉媒惹他屐齒蒲蒼苔山僧不識名賢力  
只道遊人爲我來

垂老光陰夕照斜風懷聊復逐鉛華惹他年少竊相笑  
如此白頭來看花

名園樓閣表前賢點綴溪山物色妍自是承平好光景  
頗聞秦蜀正烽烟

去歲偉兒就醫寓舍在伍相國祠東今來過此泣  
然有作

往事追思灑淚紅半年醫藥竟無功盍與重過靈胥廟  
忍聽人呼伍相公

兒行五家人  
呼爲五相公

遊網師園贈主人瞿遠村

市閭難把麀鷄隔何許林扃擅幽僻主人好客過鄭莊  
買得名園集裾屐買園貴舊不貴新爲要濃陰綠如甍

惜哉喬柯已伐盡但有一池枯葑積乃窮土木妙結構  
欲以新景奪古色小山堆出華子岡幽壑嵌來到公石  
一重一掩曠與兼燠館涼亭境屢易若非導僮幾觸柱  
倘藏逋客敢搜壁想當意匠經營時多少黃金付一擲  
明月清風四萬錢笑他子美真寒乞就中風潭已改濬  
數畝中涵百頃碧網師之名尙仍舊定有千石魚策策  
紅衣垂釣可作圖青笠擎音便泛宅老夫大發結網想  
擬捉銀鱗長一尺

族兄者庭八十壽詩

官爲循吏壽耆年通德門高列綺筵趙璧已歸城十五  
趙璧兒戲歸趙璧朔桃正熟歲三千科名最久無同輩簪笏相承有

後賢我托茅家好兄弟相隨巾舄共遊仙

題印淞汀同年隱几觀書遺照

京兆門高燕榜聯秋風同赴鹿鳴筵披圖今日重相見  
回首俄驚五十年

按部威名接柏臺

君由御史  
觀祭浙東

經猷都自讀書來一官未竟

青箱業留與兒孫著作才

瘦銅子孝彥來見泣然有作

葛帔相看淚滿衣貧官門戶已全非僅餘我作青蠅弔

猶憶君邀畫鷁飛

余赴鎮安任過蘇州  
渡江具舟遊石湖

身去空留詩句好命

窮直到子孫微一驂脫贈終何補慚愧論交共瘠肥

題單竹軒山水知音圖



觸手生春濟物心  
活人陰德歷年深  
誰知預養和平處  
早在空山綠綺琴

流水高山結素知  
知君林壑有幽期  
只愁名掛翹材館  
未是揮絃晏坐時

題短簿祠

短簿祠高虎阜東  
故居人指楚王宮  
誰知捨宅歸僧寺  
翻占名山地百弓

題錢嘯田林屋夜遊圖兼呈尊人竹汀宮詹前輩  
真區之勝古林屋  
金簡玉書扃秘牘  
頭上波濤脚底雷  
相傳地道通粵蜀  
道書編列雖第九  
寶壓洞天三十六  
我欲往披岳瀆經  
去秋已泊錦帆涇  
靈威笑我不識字

作使風雨迴揚舲竹汀先生勇過我萬頃洪波駕飛舸  
七十二峯一覽收將訪左神尚未果從行乃有狂次公  
月下竟去探嵌空鍾乳滴衣苔滑屢蝙蝠亂撲炬火紅  
窘步足如走懸索僂行腰且彎強弓前曠中與後軒豁  
直到徑絕風雲通歸來放筆賦長句來證先生水經註  
先生大喜酬瑤篇倍憐膝上王文度快哉茲遊足千古  
特爲名區增典故昔者坡老游石鐘携兒同聽風浪衝  
不聞邁也出傑作能與鞺鞳聲爭雄近時竹垞亦來此  
神景觀前半途止笛漁并未捧杖隨但遺竇徒叩宛委  
豈如先生樂事專父子其佔名山川繪之素冊記勝蹟  
此詩此畫皆可傳我將蠟屐踐宿約携向洞壁親摹鏤

去年入月余欲避洞  
庭爲風雨敗興而返

述菴司寇竹汀宮詹過懷杜閣寓齋小集

舊雨一朝集欣聯李郭舟若非憑勝地安得召名流幸

脫龍蛇厄

子才西莊皆以已年下世

同爲笠屐遊山塘人已說好作畫

圖畱

館閣青雲契林泉白髮年相逢非偶爾欲別輒凄然况  
是鶯花地而當櫻筍筵一尊同話舊能不重流連

三月十日寓齋前牡丹纔試一花次日半開者數

朶十二日晚村太守譙東浦藩伯湛露廉使柳

亭觀察于此則百朶競放矣以後士女遊觀連

日雜沓雜記以詩

聞道旌麾過使車牡丹連夜發穠華比他羯鼓催還速  
富貴花原勢利花

那得才人不露才名花亦愛向人開一枝背面亭亭立

也對紅欄掐項來

花面皆  
側向人

錦棚陰下集珠釧人面花姿一樣鮮小立無言心自忖  
不知顏色果誰妍

翠翹紅袖總嬰春稍爲移牀避戰塵滿架名花護人看  
老夫却看看花人

此來專結牡丹緣爾粟催開七日妍看到落紅吾亦去  
人言薄倖杜樊川

曉村太守連日讌客於三賢祠余以寓客屢作座

賓賦詩讀雅

名園改築古賢祠太守風流集履綦肯與前人圖不朽  
必非俗吏所能爲習池此日多遊跡峴首他年有去思  
早是與民同樂意不言已遍路人知

地主翻教作座賓僦居已是授廛民屢陪上巳流觴宴  
幾北中書伴食人釦砌日烘花折甲觥船風過酒生鱗  
浣花故事真重見嚴尹移厨到水濱

三賢祠成皆曉村之力詩酒遊譙足繼前輩風流  
洵虎邱佳話也再作詩以諭後人

平山敞維揚多景屹潤州昔人嘗遊地每托勝蹟畱  
君守吳郡三年惠愷流緬懷前賢踪歷歷在虎邱買園

爲築祠荒度妙運籌位置杜白蘇恰有堂閣樓似昔造  
園時預爲三公謀祠成景殊絕亭館清且幽爲是手營  
構公餘屢來游士女不避路花木欣停騶豈惟表前賢  
直可當菟裘庾樓江州詠習池襄陽謳行當擅此勝名  
區占千秋

杜老與坡公偶然作過客惟有香山翁治郡留惠澤矧  
茲山塘路又其所增闢岸栽桃杏紅水蒔菱荷碧故應  
廟食此秩祀占一席君來繼爲守百事勤墾畫於濟城  
河泥堅甃蓮堤石居行竝蒙福以乃不知役

在壽州城內河  
道又葺蓮堤石

工得非白後身重來建長策我讀長慶詩虎阜紀遊跡  
一年十二度詩酒寄酣適今看騶從臨想見古裾展風

流千載同何必今異昔

春蘭禁體和呂叔訥廣文

霜雪亦青葱春來發幾叢有香羣草內無色萬花中粉  
氣薰當借鉛華寫未工幽人憐臭味最喜素心同

吳下諸生聞余至多以詩來謁頗費應酬率賦

偶此成流寓何期戶屢盈我慚無實學人尙愛虛名豈  
有傳衣付殊勞倒屣迎此邦風氣好前輩肯心傾

枉將心力泥風騷湖海生平氣本豪功業老難投袂起  
聲名古且鑿坯逃人能不朽方爲壽俗有相知尙未高  
慚愧蕭蕭雙白髮猶將顰悅動時髦

將別寓樓題壁

三賢祠廟虎邱旁借得樓居正豔陽古蹟薪傳詞賦學  
名園壘斷綺羅香題詩豈有紗籠壁治具頻賒酒過牆  
竿木逢場聊作戲老來真愧少年狂

題瞿花農洞庭泛月圖

吳洞庭非楚洞庭近游我尙阻揚舲美君真聽湘靈瑟  
放櫂君山月滿汀

讀史

盜起開元後渠殲正德中古今多變局天地少全功未  
事幾誰覺臨危力已窮陳編供閱歷愁對一燈紅

杭州晤同年謝蘊山藩伯

汾晉移旌僅一年重來浙土奏旬宣



帝期東海長無警公與西湖夙有緣杭越總歸千厦庇  
白蘇僅以兩堤傳早聞力挽頽風處先凜冰霜素節堅  
退衙無事擁牙籤補史亭前畫下簾不擇地知文思湧  
無堅城爲筆鋒銛名高應竝湖山久才大何妨嘯詠兼  
勲業文章都佔盡使君毋乃取傷廉

晤同年馮星石

瓊林同赴日初寅彈指幾將四十春福地湖山歸養日  
戲場袍笏倦遊人一編自訂睂山集君補註蘇詩  
七年告成五畝猶  
懸魏闕身榜下未交林下見相從那不白頭新

蘊山招同星石湖舫遊讌

青雲同榜幾人存三老相逢意倍敦畫舫烟波人在鏡

行厨櫻筍客開樽湖山謝傳圍棋墅松檜馮家大樹村  
慚愧遊春煩地主旌麾遠出湧金門

題星石夢蘇草堂圖時著蘇詩合註已成

我家顧塘橋坡公上仙地乘雲或來歸乃不我一詣翻  
訪大馮君千里到幽薊我賤君方貴頗疑坡勢利豈知  
君與坡千載有獨契眉山詩一編箋疏良不易一在援  
舊典一在考時事景廬但博觀放翁亦引避辛苦王梅  
溪集註尙未備施本稍後出綿津加補綴近時初白翁  
精心更排次我嘗靜披尋似已無遺議君也讀書多一  
覽見疵類遂獨出手眼訂訛辨同異大節据長編瑣聞  
撫稗記事參百家集地考十道志羽衣會何人洞簫客

何字巢痕憶故宮綠衣嘲下吏漏必簡蠹搜誤輒芻狗  
棄如睹局中身并及言外意想當五夜披青熒一燈翳  
神光離合間不覺接夢寐匪特君精誠感通力能致實  
亦坡靈爽欲以不朽寄七年果訖功真面廬山出奎宿  
在絳霄固應鑒勞勩君今買草堂恰傍西湖瀟坡昔遊  
宦鄉歲或一再至我當來從君襍被同牀睡庶藉介紹  
殷得聆緒論秘又恐成各夢弗獲捧杖侍

禁體咏西湖

何限人間山水奇無如此地兩相宜到來都作爾名想  
欲賦俱窮寫景詩傳得繁華從北宋比他娟好只西施  
浙江潮擅雄觀最說與遊人却不知

西湖寓樓卽事

又向西湖泛畫船青山綠水故依然同思奉母蓮池日

往事俄驚三十年

余丁亥歲初遊西湖奉太夫人寓蓮池尼菴

虎邱遊罷虎林遊人巧天工各擅優黃篴酒樓青簫舫

西湖可惜不蘇州

遊船無數檻前過占得湖樓俯綠波但我見人人不見

碧欄干外綠楊多

散人漫說厭官場措大清遊只裏糧何一不資官力辦

陸行輿馬水舟航

蘊山方伯具舟遊湖次日錢塘薄新大明府具輿馬遊靈隱天竺諸勝

人心趨處佛增靈祈雨祈晴有必膺柏燭檀香三竺蹤

一觀音養百千僧

年少吳郎絕妙詞相逢真恨十年遲  
瀟瀟暮雨催人別

腸斷西泠是路岐

吳蘭雪年少奇  
同遊數日

頻年泛宅似漁翁江北江南一水通  
垂老始知生地好  
揚蘇杭總近遊中

一度來游一度奇始知好景不勝追  
衰年敢作重來想  
臨去多留芥壁詩

吳江舟次忽夢見偉兒恟悅間又有傳其泛海去  
者不覺心痛如割

一別經年夢裏還俄傳飄蕩渺茫間  
我聞兜率西天路  
憐汝猶尋海上山

海中聞說有蓬萊誰爲前途接引來  
莫是誤飄羅刹國

幾時再得故鄉回

一面翻教痛不禁來何草草去沉沉也應明說歸何處  
待我他年好訪尋

梁製觀世音像歌

王仲瞿孝廉得古銅佛像一軀長身玉立首有  
金冠如翠翹衣袂多繡紋極精緻與世所塑釋  
迦像螺髻袒胸跏趺坐者不同其底有篆書天  
監二祀十有一月中天竺王屈多使竺盧達多  
獻西域土物優闕賢王造釋迦真像一摩訶觀  
世音像一摩訶至像一三夫人丁氏進位貴  
嬪皇子六通誕彌月皇太子統三周皇帝命顯

陽宮監臣陳舍利臣王寶臣東方迦葉奉造一  
佛二菩薩像臣舍利奉皇大統于永福省授太  
子統孝經一卷觀世音像一軀臣太子統臣舍  
利稽首頓首云云據此則梁武就天竺所貢三  
像別勅仿造而所授昭明太子一像則觀世音  
也按梁書昭明生於齊中興元年梁武天監元  
年立爲太子二年昭明恰三歲母弟簡文帝生  
小字六通時昭明年幼仍居於內東宮官屬皆  
入直永福省以欵文証之一一相合其爲蕭梁  
舊物無疑也爰爲作歌

昔得烏斯藏中佛佛土中來敬齋板所嫌醴鞞新鑄成

尙非象教初來物王君仲瞿其名曇前身當自彌勒龕

購得古觀世音像身被繡被頭翹簪欵鐫天監二年造

昭明太子歲正三年深色黯質未改但是斑駁非縷縑

惜哉王君愛塗飾重與莊嚴失古色添得黃金一百銖

論價翻輸舊時直幸渠色新製自古猶是六朝人手蹟

我思是時釋教興鳩摩羅什佛圖澄譯經演法闡大藏

舉世皈依如雲蒸佛前大士尤顯應不比羅漢諸小乘

罪人持咒枷鎖落

北齊書盧景裕傳

敗將諷唄刀斧停

宋書王元謨傳

兩足

埋土忽免脫一隙透穴俄猿騰

晉書戴記皆觀世音經事

是皆耳目所

震耀至今尙誦高王經何況梁皇信佛篤親講華嚴高

座獨持齋戒殺麪爲牲祖宗亦不許食肉同泰寺中頻



捨身帝王有價可錢贖奉佛必兼奉菩薩固宜肖此慈  
容穆真形圖旣出優闔方物貢恰來天竺想當宮監仿  
造時比對西來元面目敢云延壽寫照差并非貫休夢  
見熟煎金火用歐冶爐刻像刀切昆吾玉煉出金剛不  
壞身不矜一寫而成速勅賜青宮虔供養永爲儲君介  
景福豈知淨業空精專避災終未入四禪文選樓高但  
主器蠟鵝厭勝遽天年後來青絲白馬逼荷荷索蜜更  
可憐斯時大士竟安在不來一救禍亂延乃知像設亦  
徒爾弗及一紙臺城鳶我獨摩挲爲太息重是千年尙  
完璧雖非嚙紐追蠡鐘也比出泥粧寶鐵豈必有神爲  
呵護世久自覺堪愛惜來是長安本色旌摹猶定武初

刻石

寄題同年項任田青士居祠堂

老閱後生多端居想故友任田我同榜薇省班稍後沉  
默下帷讀恭謹循牆走東華每聯步跡似魚貫柳一別  
三十年雲山各翹首聞君歸田來名行著閭右達官罕  
識面鄰里無多口人蒙涸魴煦士倚鏗鯨扣寄我一幅  
集精比深寧嬰我思遊黃山訪君相擊掇俄聞山陽笛  
不得一執手及門著錄多爲君謀不朽瀟灑青士居昔  
日傳經久戶外屢常滿納約悉自牖數典鄭註參析理  
閩學守探源溯先河訪逸搜小酉榛翳有必芟渤澥亦  
兼取至今絳帳生成就十八九乃卽畢比座築祠不盈

畝生托一瓣香死奉一尊酒以茲心喪切益徵教思厚  
嗚呼講學名世已成窠臼東林盛標樹鄒顧屹山斗繼  
以幾復社氣矜尙赳赳近時風稍衰漢學又哮吼一字  
据葉龍千言掃芻狗豈真發奧變但自銜簞籥君獨宗  
紫陽尺寸不敢苟名場詎屑爭理窟默自剖允矣鄉先  
生典型古耆耆固宜祀著宗釋奠鄉射耦雲亭游息地  
翠色蔚林阜修竹列如屏溪水清且瀏帶草通德鄉菁  
莪育材藪高風長不沫千春薦香茆

哭胡豫堂總憲

臚唱祥雲繼魏公

公卒已一甲第二

獨將清謹契

宸衷不言溫樹三緘口屢典文衡兩袖風烏府班遷高

座獨黃庭帖寫

御詩工

直內庭寫御製詩

老成凋謝今餘幾忍聽胡威又告終

蘭譜論交四十春旌麾南莅倍情親升沉不隔青雲面  
老大同傷白髮身一室翻經摩詰病舉家食粥魯公貧  
傳聞易簀幾難歛故舊誰爲理飾巾

寄題虎邱萬丈樓

曉村太守旣構三賢祠立崖又於文苑英華檢  
得李青蓮虎邱讌遊序一篇知青蓮亦曾遊此  
曉村聞之大喜證之潛確類書及獨孤及毘陵  
集俱載此序遂又於三賢祠橋北買地別構一  
樓以祀青蓮取昌黎所云光燄萬丈之意榜爲

萬丈樓從此虎邱名迹表彰無遺矣寄題四首  
何物最及遠厥惟聲與光震雷聞百里猶難遍退方光  
則自他耀日出朗八荒暮霞半天赤亦返照扶桑青蓮  
擅此才落筆睨角芒如來白毫相不足較短長其皎高  
萬丈韓語非虛張是雖跡未經已入燭照旁何況舊遊  
地忍使湮弗彰

謫仙來虎邱世遠人莫識譙遊序一篇忽從蔣徑出太  
守聞之喜亟爲表遺蹟選勝海湧旁危樓歛創闢銀榜  
韋誕書卽用萬丈額遂覺此傑構迥入烟霄碧宏景徒  
三層陳登漫百尺黃樓五丈旗更不啻蟻垤自今茲山  
勝不數于八石

大名垂宇宙豈藉屋數楹山標九華峻湖著郎官清一  
經手題拂輒留不朽名況復遺跡多所至疑仙靈匡廬  
觀瀑流敬亭看雲生任城泛池碧采石捉月明至今皆  
祠廟春秋祭長庚茲山一小樓豈足爲增榮毋乃成贅  
設枉想攀霓旌

太守曰不然名賢跡當表昨奉杜白蘇亭館極辭謫  
仙有遊踪乃聽委蔓草縱不嗅見遺已自慚失考一樓  
特標識飛甍出林杪恰與三賢祠相對亭壺嶠美哉舉  
廢心發皇過兩脊切雲地望高射斗文光皎真挾萬丈  
勢俯視秦華小

丹陽道中

疏鑿痕猶見舟行似峽中岸高帆少力潮逆櫓無功  
銛當年集舟航萬古通莫嗤隋煬帝此舉禹王同

四月廿二日鎮江看都天會因雨阻改期夢樓招

飲出家伎奏樂卽席二首

神會遙傳麗羽旄我來偏值雨蕭騷不逢蜃市千層幻  
翻聽霓裳一曲高軟脚敢煩閑近局邀頭不在泛輕舠  
看他十六天魔舞已賽靈風颭鷺翻

曾探若木泛東溟君少年曾隨母使封琉球五馬歸來謝綬簪閒以聽

明修淨業老憑歌舞耗雄心君年佛已廿餘年而酷好音樂一堂璫管游仙

曲四海苞苴賣字金君書法名海內臨汝亡來誰作達謂袁平才讓君游

戲閱風岑

佩香女史聞余至折簡枉招余以事不得赴蒙惠

珍饌侑以佳章次韵奉謝

訪舊江干泊野航美人珍贈意何長揮毫好句明珠顆  
出水鮮鱗白玉肪承惠蚌魚極鮮身是前劉傷老大才非小杜敢  
輕狂祗應朗誦瑤華什併作晨餐齒頰香

明識高齋勝小航一尊大可話宵長愁君慧齒清霏屑  
笑我殘牙軟截肪毛女得仙原不老髮僧出定倘能狂  
何當身作清娛婢長侍瑤臺禮佛香

佩香疊韵索和再次奉酬

又勞題句送吳航正值遊街軟繡長是日綵仗迎神排雁  
字珍厨款客截鵝肪蘇湖亭何建亭兩室俱招飲人間競作逢場戲吾老



聊隨舉國狂只有清吟校書女閉門獨對一爐香

都天會

神會蓋始鄉人儺黃金四目揚珣戈漢家原廟亦遺制  
衣冠月遊長樂坡城陽景王歲一駕用二千石儀衛多  
南朝蔣侯更出盪張弓拔白聲驅魔有元帝師泥銀繖  
至撥鹵簿爲塢呵流俗相沿遂成習附會神鬼訛傳訛  
潤州城東都天會年年四月大報賽七香亭導八棚輿  
彩仗前驅一對對金童玉女乘雲駟夾以饒簫溢闐闐  
刀矛浴鐵皆似銀旗幟繡絲不用繒列隊幾長十里餘  
糜財不在萬金內但求角勝肯惜貲富者破慳貧者貸  
不知是何神擅此大富貴或言唐張巡睢陽百戰捍賊

塵保障功在江淮民或言一儒巾夜遇疫鬼散毒氛獨  
以一死活萬人究竟未識何者是徒令世眼滋擬議我  
思天下祠廟多原可不必一一考姓字大凡人間所祭  
神非卽此神來受祭韓擒虎作閻羅王未必至今尙占  
閻羅位卽如關壯繆血食遍海澨安得百千萬億身處  
處明禋悉親蒞是必有衆神分享牲牢饋可知香火區  
有同衙署地三層殿閣尺五祠一樣流官屢更替倘憑  
祠額廟號辨僞真竊恐頂缺冒名不勝計都天神來何  
途我不復索稽神樞但覺不呼能使萬衆集必其靈爽  
能感乎君不見大官旌麾耀市衢乃是官募非人趨

九言題吳竹橋小湖田樂府

不信人間真有腸錦繡吐納風流一掃陳窠曰世間美  
好古人已說盡一經剪裁便若從未覩吳君貽我小湖  
田樂府不過文人游戲消長晝豈知靈心慧眼竊化工  
又將突出白石屯田右一樣風雲月露花鳥鮮信手拈  
來別自出奇秀詩餘本不足登大雅堂乃爾鍼目鉅肝  
苦結構我思一切文字皆擗駢除却經史法律不必究  
縱教文過馬班詩李杜無益於人總可醬瓿覆然而古  
來作者各擅場誰肯守拙抱殘甘撲陋譬如蔽體只須  
縑一疋偏是纂組能索高價售又如飽腹不過米一升  
偏是珍錯競把雋味購乃知風會所趨日爭新天亦不  
禁人工極雕鏤茲編長調小令色色新渲出水碧金膏

光照牖自是才人盡才而後止那管月脇天心竝穿透  
只愁詞料又被君翻盡不知後人如何更翻舊

自新開河至金陵送兒輩秋試

新開河避大江危曾是

宸遊惠澤貽

乾隆四十五年因  
南巡濬此河

一路好山青不斷兩邊濃柳

綠相差油油禾黍通潮地歷歷帆檣赴舉期五十年前  
曾此役可堪彈指白頭時

慶晴村爲尹文端師第五子舊與余同學自都門  
別後不相見者三十餘年矣今以將軍來鎮江  
寧握手道故敬呈三律

昔日郎君今重臣卅年相見倍情親依然東郡趨庭處

來作南邦坐鎮人

文端師節制兩江時君尚隨侍

叔子風流裘帶緩臨淮精

采幟旗新金陵父老欣相語風貌猶傳故相真

何處江南非舊遊清陰滿眼召棠畱卽看今日施行馬

猶爲先人問喘牛老輩尙稱佳子弟世家已復舊公侯

遙知不繫舟邊過慨想前徽有淚流

不繫舟文端節制署中園名

聯吟可惜失隨園

袁子才嘗出入文端幕與君最密

同學今惟兩弟兄昆君喜

有朋來自遠我慚無佛易稱尊六朝陳跡才人筆一品

崇班上將門從此郵筒往來便莫辭好句寄江村

棲霞訪竹濤上人不值畱贈

高旻推上座

鑒亭

卓錫到棲霞佛土重開境僧詩一作家

喬松雲氣古奇石浪紋斜采藥往何處遲余過午茶

題桃花澗

步步山陰道上行每逢佳處輒畱停難忘最是桃花澗  
萬樹陰中一草亭

詞人謾語托高閒未必誠心愛住山今日棲霞逢絕景  
老夫真欲結禪關

昔歲曾與偉兒同登金山扁舟重過泣然有作  
曾攜愛子捫烟蘿今日重來感慨多落日壯心千里目  
秋風老淚百年歌空畱名姓題曾到只有江山亘不磨  
從此妙高臺上路芒鞋何忍再經過

見河岸齷草牛感賦

人物芸芸總竝生如何等級不公平君看齷草牛何味

甘似豪家享大烹

題甘雨應期圖

今歲長夏無雨田禾將盡稿費中丞憂之七月  
八日率僚屬步禱諸神祠遂連日甘霖大沛今  
屆秋成豐收倍於往年蘇守任君命工繪圖索  
余詩紀事敬題左方

我不知蒼蒼者天薄薄者地至竟於人何關繫洪範五  
行傳所編毋乃附會非實事及觀中丞祈雨雨應期乃  
知天人果相契今年盛夏愆膏澤桔槔將吸長河竭可  
憐農夫千滴汗不博田間雨一滴中丞對此憂心忡芒  
鞋步禱元都宮當其泥首乞民命敢謂一念能感通此

意早達九閭九作使列缺豐隆百靈走鞭起癡龍鱗鬣  
飛倒捲太湖噴郊藪遂令江北江南盡沾渥捷於調水  
之符喫火酒從此村疃企脚眠準備烏烏歌擊缶蘇州  
太守繪作圖濕雲一幅猶模糊邀我題詩紀靈異我親  
聞見詞非誣迴憶歆陽嘆爲厲家家禱雨聲如沸民禱  
不應公禱應頗疑天亦太勢利庸知萬命所繫岳牧身  
一方災祥視其人卽今迴枯起羸瘠有目共見功通神  
得不羣頌中丞作霖手中丞却復歆然不自有

揚州哭澣墊編修

纔是春筵累治庖忽傳噩耗到江郊十年混跡繁華地  
一個知心冷淡交論事胸猶森五岳著書夢久玩三爻



側聞去路分明甚浴罷更衣便打包

藜火精勤校石渠蓬山仙籍拜新除

君成進士後以學校四庫書特賜翰林

得償

天上難成願遍覽人間未見書已徙新居三徑外

前歲嘉漸

凋先業二毛初我來剩有披帷哭誰更論文一起予

### 哭祝芷堂侍御

哀音來自海東偏目斷吳淞黯暮烟自古高才無厚福  
况能早達又長年賈生去國爲遷客李洞尊師奉浪仙  
老我門牆更誰倚非關荒却一莊田

綺歲登瀛氣吐虹共占王掾黑頭公五更秘閣青藜火  
萬里征輶繡旆風仗馬一鳴辭曉闕塞鴻孤唳落寒空

書生只合文章進何事輕乘御史驄

君以封事罷官

講席寥蕭海一隅聊同祠祿養閒儒巢低尚恐遭鳩奪  
轍涸憑誰救鮒枯往日聲華輕令僕老來衣食傍江湖  
更憐旅殯華亭館知復何時返故區

同在江天履跡清歲時一晤倍關情中郎書擬歸王粲

永叔文先弔曼卿賴有麥舟分賻厚

費中丞致厚賻

稍欣梨板刻

詩成

所著悅親樓集今夏刻成

老來哭盡諸前輩又向人間哭後生

時齋副憲子紱林已得恩廕南歸省墓枉道過存

話舊感賦

荷衣出拜記垂髫頭角今看鳳有苞歐裴十年南浦別

甲辰歲余與時齋別於茲花浦今已十五年

昌黎三世北平交賞延任子欣傳笏儋

避無臺出打包慚愧前人指困諡芥舟水淺感堂坳

因君歷歷話京塵重憶當年絳帳親文端師愛士殷懷廉孟

子論文正派趙周臣趙秉文字周臣舊遊歲久看成古良晤緣稀

見倍親回首師門何限淚生平恩誼荷平津

費中丞壽詩

扶桑弧矢麗旌旄綺甲纔周末二毛冬月早回春月暖

福星兼作壽星高已消虹蜺來甘雨復戢魚龍東怒濤

霖雨得霽治河成隄皆本年事要識民心歡戴處躋堂爭欲獻松醪

三年江國湛恩深聽取風謠士女吟茅屋不寒冬有袴

戟門如洗夜無金堅持砥柱中流力總恃冰壺一片心

平格由來天所壽瑤籌頻報閩風岑

草塘河爲偉兒覓葬地

朔風淒緊逼殘年枯木寒鴉欲雪天腸斷草塘河畔路  
白頭爲子覓牛眠

題邑侯周石雲戲馬圖

駟野嘶鳴各自由牧民餘澤到驂騑班春五馬何須祝  
看取車前擁八騶

題孫子靖望子重生圖

我是曾經此痛人倉舒去已一年春披君圖澤三生卷  
又惹西河淚滿巾

曾聞思極鬼神通何必還珠願竟空說與商瞿應努力  
人間或有顧非熊

五哀詩

杜少陵作八哀詩以寓嘆舊懷賢之意余少也  
賤多藉老成獎拔得稍聞於時中歲歸田不能  
躋高官顯秩以報恩施副期許此心常耿耿焉  
今老矣若不及身記述則諸公高誼將付之漠  
然何以自安也爰仿少陵體作五哀詩使子孫  
識之

父執杭應龍先生

識士於未遇援手已高說不論遇不遇煦沫情更摯緊  
余少偏孤子立四無倚饑窮食不給飄蕩學且廢童騃  
不知愁尙逐羣兒戲先生先子交視如親子弟爲營授  
徒館俾作養母計兼令兩郎君杏川共淬下帷肄斯時先

生心豈謂可成器正惟無所期垂憫乃真意及余得官  
歸黃鱸已長逝生有涸鮒恩死僅隻雞祭疎牕一間屋  
是我館餐地短屏數行書是公格言字往蹟一追思枕  
席淚尚漬所幸有子孫通家往來繼雖嘗分薄少百未  
酬一二及余老未死作詩誌高義聊比柳柳州石表先  
友記

故吏部尚書汪文端公

東坡出歐門一日聲價長由來士未遇必藉老成獎吾  
師松泉公一代斗山仰燕許大手筆高名塞天壤庚午  
主京闈余方掉詞鞅試卷謬見知遂登京兆榜

時五經卷二場例試

英詔唐誥公獨  
與鄒作進呈

尋招入平津林亭極疎敞佳兒付我課

金龜奇

書忝我賞得窺美富藏彌擴見開廣有時大典冊副墨  
命擬倣初猶不中程塗竄至三兩余矜跼蹢才遭抹欲  
稱枉久而益服公文心戒鹵莽自此窺津梁古學騁詆  
蕩一官直樞曹仍喜侍函丈入揮制草麻出扈屬車輶  
戎帳夜對談有如共績紡殖學期有源立品貴無黨語  
深忘就枕每跋殘燭朗情同骨肉親誨極言論讜無何  
梁木壞偃偃吾安放生平幾知己恩况兼教養龍門借  
虛聲鯨鐘導洪響至今五十年竟猶接夢想百身悲莫  
贖九原痛長往尙喜哲嗣賢曳履雲霄上當其入仕初  
曾代籌運掌至今駟馬門或稍慰靈爽

故相國贈郡王傅文忠公

段操鞭學士絳灌惡賈生古來王侯貴蟻視寒儒輕傳  
公起怯薛璇霄佐昇平讀書雖不多胸有千古橫會選  
西樞屬余亦備品評顏狀既鄙野言語兼荒僉同官共  
目笑公獨鑒樸誠試以著作才一揮七制成遂邀愛逾  
等青睞超羣英朱提贈十流豐貂輝冠纓屢荷白金  
貂皮之惠眷深  
起衆忌媒孽設險坑公默燭其誣但戒賈豎爭輟直未  
一載仍聽神索聲及余入詞苑已非公所臨猶於

黼座旁時時說賤名爰蒙 御屏記一麾出專城會公

討緬甸余亦來從征得復叅末議易地駐援兵

時議分偏師  
從並進以

余言改駐蠻幕爲  
江外大軍應援

惟有渡江策不能阻公行

公議渡江爲江局勢進  
兵余以路險瘴盛力阻

不從

冒瘴涉洪濤人馬斃郵程尙賴偏師完隔江發櫂迎



阿雲巖將軍在雲巖  
具舟渡江迎公歸

公竟染危疾還朝遽奠楹嗚呼公之亡朝  
野咸悲榮豈少一腐儒私爲血淚傾第念公門館何限  
名公卿乃獨於薄劣數加拂拭榮此情何可忘事往心  
猶振千載西州門羊曇同此情

### 故都察院左都御史觀補亭公

古有愛才者說士甘於肉非博宏獎名實出嗜好篤吾  
師總憲公素無一面熟偶從甥館處見我詩數幅遂枉  
車騎臨不使前顏歎

公於令婿溫官詹處  
見拙詩遂枉駕見訪

自茲得從游往往趁

休沐扈蹕爲選駒獵場過奔鹿

每歲秋出塞大綱公監  
放官馬特爲余選良駒

辛巳試

禮闈公握衡文軸摸索在暗中竟得李方叔自詫一斑  
管不迷五色目金門旋對策已占蓬頂獨神山風引廻

猶列鼎三足廻翔清閒地無由脫穎速公方領詞館典

策輒見屬進御例奏名得邀乙覽燭此段援引意暗

中寓推轂

翰林撰文例書姓名進御故公屢命余屬筆

計典况居最

京察列余一等

頌詞更選

錄萬壽詩冊特爲入選

井底青雲梯謂可霄漢蹴邊郡忽出守永辭

木天屋負公期望殷詩筆換吏牘才有文字長命無公

卿福公旋騎箕尾我亦返耕牧迢迢憶絳帷未冀芻一

束作詩記恩私長歌以當哭

故公相阿文成公

我昔直西樞與公爲同官公旋出領兵赤手縛樓蘭

青溪

雜卜之變公往擒之

自此每戰伐無不在行間滇南興緬役拜公大

將壇余適來從戎叅軍奴鰓蠻幕府一握手商略誅寘

頑堅議輒脗合圖易先思艱明年經略至

雙

總統王旅

嗶蜚語或間之嫌疑微有端意見稍歧互何以濟艱難  
余以舊屬吏委曲寓轉圜事既切同舟結須解連環敢  
撫桓伊箏聊破彌遠鑽以茲用意密知我心力殫後公  
終獲譴羈畱騰衝關二子戍兩粵余又措之安迨公重  
作帥金川奏凱還策勲爵上公禮絕鷁鸞班余時已歸  
耕不復達書翰猶蒙記疎賤寄聲到江干使節適南來  
儋帷喜再攀公色愀不樂嘆未能除奸余謂大權減正  
保令名完公時聞我語豁達開心顏至今身後名果然  
定蓋棺當代第一流青史婉富韓繫余老菰蒲萬事死  
灰寒豈復援鉅公藉作嚇腐蕩顧惟平生誼金石有不

刊地雖隔雲泥情實傾肺肝作詩感存歿曷禁涕淚潸  
四哀詩

前五公皆於余有知遇之恩故記述稍詳而同  
輩中文字性情之友已歿者尙有四人各記五  
律一章爲四哀詩

杭白皋秀才

耆數平生友終推舊學真賭文期必勝規過或相嗔冷  
淡黃齏飯癡狂白眼人傷心一衿死畢世未看仲

張瘦銅舍人

京邸留君住寒酸共芋羹劇談千古識奇氣萬人英校

試遺方叔

丙戌余分校奉  
明而君下第

歸裝薄陸生

君訪余廣州  
臨別未能辱

生平慚負

處所取卹孤憐

令嗣李門等皆貧苦

家璞函主政

獻賦登華省

欽取中書

從戎死戰場

殞木果木之難

與余同氏族愛爾

好篇章滇帳言千縷

在滇從軍與余同帳

黔郵淚數行

君隨溫將軍入蜀也余威寧官舍提別

豈知成永訣目斷蜀山蒼

徐秋園別駕

宦味皆恬淡風塵早息肩同爲林下客時掛杖頭錢游

戲昇平世消磨老大年祇今誰伴我顧影一淒然